



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

§. 1. Præliminaria de obligatione & modis denunciandi Hæreticos.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

metur. Tum admittuntur Consultores, eorumque consilio audito statuuntur ea, quæ agenda sunt, & decernuntur commissiones circa illa, de quibus missæ erant relationes, eæque deinde destinantur ad Episcopos, & Inquisitores locales Sigillo Congregationis, quod asservat unus è Cardinalibus subsignatæ. De Luca Rel. Rom. Cur. disc. 15. Lunadoro in sua Relatione.

C A P U T XVII.

Praxis Inquisitorum Sancti Officii.

S. I.

Præliminaria de obligatione & modis denunciandi Hæreticos.

1. *Hæresis crimen est publicum, ideoque denunciandum.*
2. *Contra Hæreticos proceditur tribus modis.*
3. *Quomodo per accusationem.*
4. *Quomodo per denuntiationem.*

4. Quia

5. Quid sit denuntiatio.
6. Quomodo per inquisitionem.
7. Inquisitio alia est Generalis, & fit tribus casibus. Quis primus.
8. Quis sit secundus casus.
9. Quis tertius.
10. Alia est specialis Inquisitio, quæ illa

I.

Hæresis crimen merito inter delicta publica retulerunt Catholici Imperatores, cum in omnium feratur injuriam, & universum Reipubl. Statum offendat. *l. Manichæos num. 2. C. de hæres.* Ideoque tenentur omnes crimen hoc publicum tendens ad corruptionem multitudinis propalare, vel testificando vel denuntiando. *S. Thom. 2. 2. quest. 70. 4. 5.* Quam obligationem in Christi fidelibus plurimi sanctorum Patrum confirmant apud Suar. *de fide disp. 20. mor. sect. 4. n. 7. & seq.* & constituunt sub pœna excommunicationis Summi Pontifices *Greg. IX. Const. Excommunicamus §. Item si quis. aliiq.* Quinimo obligatio hæc non solum est quoad Hæreticos, sed etiam quoad suspectos de hæresi. *Carena de offic. inquis. 2. tit. 9. §. 1. n. 2.* Denunciandi vero sunt non quibuslibet Judicibus, sed Episcopis,

pis, qui jure Divino acceperunt judiciariam & ordinariam potestatem procedendi contra Hæreticos. *c. Per hoc de Hæret. in 6.* & Inquisitoribus Apostolicis, qui à Rom. Pontifice constituti hanc curam susceperunt.

2. Proceditur vero contra Hæreticos tribus modis, per accusationem, denunciationem & inquisitionem. *Conc. Later. sub Innocent. III. c. 8.* & refertur *c. Qualiter & quando il secondo de accus. & c. Licet Heli de Simonia.*

3. Per accusationem proceditur, cum quis accusat alium coram Episcopo, vel Inquisitore de crimine hæresis, offerendo se legitimè probaturum delicta, de quibus reum accusavit. *Gundisalvus tract. de hæret. q. 10. n. 1.* Sed hic modus est valde periculosus accusatori & litigiosus, adeoque in hoc foro non facile admittendus, ut monuit Eymericus *in Direct. inquis. p. 3. n. 6.* & ab Italiae Inquisitionibus recessit hic procedendi modus. *Farin. q. 185. n. 40.*

4. Alter modus procedendi in hoc foro communis & usitatus est per denunciationem, ut cum quilibet Catholicus vigore obligationis, qua tenetur, coram Episcopo, vel Inquisitore Hæreticos, vel de hæresi suspectos denunciât, ut corrigantur.

rigantur, & pœnis legitimis puniantur.
Direct. inquis. p. 3. n. 68.

5. Est autem denunciatio criminis alicujus apud Judicem, sine inscriptione legitime facta, delatio ad pœnitentiam peragendam, vel aliam pœnam legitimam imponendam, vel etiam ad utrumque *Hostien. in sum. tit. de denunt. §. 1.*

6. Tertius modus procedendi in hoc Tribunali est per Inquisitionem, ad quam procedere possunt Episcopi, vel Inquisitores in suis Diocœsibus ad clamorâ intimationem prævenientem. *Concil. Later. sub Innocentio III. c. 8.* refertur in cap. *Quæter*, & quando de accus. Locus ergo est huius procedendi modo, si accusatore, vel denunciatore deficiente fama defert, & clamor insinuat in aliquo loco, aliquem vel aliquos fecisse, vel dixisse aliqua contra fidem: Unde moti Episcopi vel Inquisitores diligenter in eam rem inquirere debent. *Direct. inquis. p. 3. n. 69. tit. de tert. modo proced.*

7. Inquisitio verò alia est generalis & hæc fit in causis fidei tribus potissimum casibus. Primus est, quando rumor & fama est, quod in aliqua Civitate vel Oppido habitent Hæretici, tunc Episcopi vel Inquisitores per constitutos cura-

curabunt generaliter inquirere, utrum fama hæc vera sit. *Conc. Later. sub Innoc. III. c. 3. refertur in c. Excommunicamus §. adjicimus de hæret.*

8. Secundus casus est, quando Episcopi visitant suas Dioceses, tunc enim in genere de Hæreticis, & hæresibus aliisque delictis ad suum forum pertinentibus, visitando inquirere tenentur. Interrogationes huic rei servientes proponit Burchardus *l. I. decret. cap. 94.*

9. Tertius casus, quando Inquisitores incipiunt in Diocesis sibi decretis exercere officium Inquisitionis, tunc enim edictis publicatis sub pœna excommunicationis præcipere solent, ut quicumque sciat esse Hæreticos, aut de hæresi suspectos, vel tenentes libros hæreticos, aut prohibitos, vel dæmones invocantes, aut Ecclesiæ Sacramentis abutentes, aut Ritus Hebræorum vel Turcarum observantes, eos teneantur Inquisitoribus denunciare. *Direct. inquis. p. 3. n. 52. & 53. tit. de forma admon.*

10. Alia est specialis inquisitio, quæ est jus quoddam per Officium procedendi ad condemnationem, & punitionem contra aliquos nominatim inquisitos, de certis delictis infamatos. *Angel. tract.*

tract. de malef. Debet ergo regulariter præcedere infamia, quæ vicem accusatoris obtinet. DD. in c. *Qualiter & quando il secundo de accus.* In quibusdam tamen casibus, quorum unus est in hoc foro crimen hæresis, propter criminis gravitatem potest & debet procedi, etiam si non præcedat diffamatio, cum sufficiant ad inquirendum legitima argumenta & præsumptiones. *Pegna prax. Inquis. l. 1. de inquis. spec.* Solent enim Hæretici in locis, præsertim ubi contra eos exercetur inquisitio, occultare se, & clanculum hæreses suas sub specie Religionis diffundere. *Direct. inquis. p. 3. n. 69. comm. 16.*

§. 2.

De Methodo Juridica conficiendi Processus in Tribunali S. Officii.

ARTICULUS I.

De recipiendis denuntiationibus.

1. Processus à denuntiationibus inchoandus.
2. Non est admittenda quæcumque denuntiatio.
3. De